

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ԺԱՄԱՆԱԿ, ԻՆՉՊԵՍ
ՆԱԵՎ ԾԱՌԱՅՈՂԱԿԱՆ ԿԱՄ ՊԱՇՏՈՆԵԱԿԱՆ ՊԱՐՏԱԿԱՆՈՒԹՅՈՒՆՆԵՐԸ
ԿԱՏԱՐԵԼԻՍ ԶՈՇՎԱԾ՝ ՀԵՏՄԱՀՈՒ «ՀԱՅԱՍՏԱՆԻ ԱԶԳԱՅԻՆ ՀԵՐՈՍ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ԿՈՉՈՒՄ ՍՏԱՑԱԾ ԿԱՄ ՄԱՐՏԱԿԱՆ ԽԱՉ
ՇՔԱՆՇԱՆՈՎ ՊԱՐԳԵՎԱՏՐՎԱԾ ԱՆՁԻ ԸՆՏԱՆԻՔԻՆ ԱՄԵՆԱՄՍՅԱ
ՊԱՐԳԵՎԱՎՃԱՐԻ ՆՇԱՆԱԿՄԱՆ ԵՎ ՎՃԱՐՄԱՆ

1. Սույն կարգով կարգավորվում են Հայաստանի Հանրապետության պաշտպանու-
թյան ժամանակ, ինչպես նաև ծառայողական կամ պաշտոնեական պարտականությունները
կատարելիս զոհված՝ հետմահու «Հայաստանի ազգային հերոս» Հայաստանի Հանրապե-
տության բարձրագույն կոչում ստացած կամ Մարտական խաչ շքանշանով պարգևատրված
անձի (այսուհետ՝ զոհված) ընտանիքին ամենամյա պարգևավճարի (այսուհետ՝ պարգևա-
վճար) նշանակման (պարգևավճարի բաժնետնասն առանձնացնելու) և վճարման կարգի հետ
կապված հարաբերությունները:

2. Պարգևավճարը նշանակում (պարգևավճարի բաժնետնասն առանձնացնում) է Հայաս-
տանի Հանրապետության աշխատանքի և սոցիալական հարցերի նախարարության սոցիալա-
կան ապահովության պետական ծառայության տարածքային բաժինը (այսուհետ՝ տարած-
քային բաժին):

3. Սույն կարգով սահմանված պարգևավճարի իրավունք ունեն զոհվածի՝ Հայաստանի
Հանրապետության բնակչության պետական ռեզիստորում Հայաստանի Հանրապետու-
թյունում բնակչության վայրի հասցեում հաշվառված՝

1) ծնողները, ամուսինը.

2) 18 տարին չլրացած երեխան (ուսումնական հաստատությունում առկա (ցերեկային) ուսուցմամբ սովորելու դեպքում՝ մինչև ուսումնական հաստատությունն ավարտելը, բայց մինչև իր 23 տարին լրանալը)։

3) 18 տարեկան և դրանից բարձր տարիքի հաշմանդամ զավակը, եթե նա հաշմանդամ է ճանաչվել մինչև իր 18 տարին լրանալը և ունի աշխատանքային գործունեությամբ զբաղվելու կարողության 3-րդ աստիճանի սահմանափակում։

4. Պարզևավճարը նշանակվում է գոհվածի ընտանիքի՝ պարզևավճարի իրավունք ունեցող չափահաս անդամներից մեկին՝ ընտանիքի բոլոր անդամների համար։

5. Ընտանիքի՝ պարզևավճարի իրավունք ունեցող անդամի պահանջով նրա բաժնեմասն առանձնացվում է։ Այս դեպքում ընտանիքի անդամի պարզևավճարի բաժնեմասը հաշվարկվում է պարզևավճարի գումարն ընտանիքի՝ պարզևավճարի իրավունք ունեցող անդամների թվի վրա բաժանելու միջոցով։ Պարզևավճարի առանձնացված բաժնեմասը վճարվում է դիմելու ամսվան հաջորդող ամսվա 1-ից։

6. Պարզևավճար ստանալու իրավունք ունի սույն կարգի 3-րդ կետում նշված անձը, ով պարզևավճարը նշանակելու (պարզևավճարի բաժնեմասն առանձին վճարելու) համար սույն կարգով սահմանված կարգով դիմել է տարածքային բաժին, և նրան նշանակվել է պարզևավճար (առանձնացվել է պարզևավճարի բաժնեմասը)։

7. Պարզևավճարի իրավունք ունեցող անձը պարզևավճարը նշանակելու (պարզևավճարի բաժնեմասն առանձին վճարելու) մասին դիմումը ներկայացնում է անձամբ։

8. 18 տարին չլրացած երեխային պարզևավճար նշանակելու (բաժնեմասն առանձին վճարելու) մասին դիմումը ներկայացնում է նրա օրինական ներկայացուցիչը՝ ծնողը, խնամակալը, որդեգրողը։ Դատարանի վճռով անգործունակ կամ սահմանափակ գործունակ ճանաչված անձին պարզևավճար նշանակելու (բաժնեմասն առանձին վճարելու) մասին դիմումը ներկայացնում է նրա խնամակալը։

9. Պարզևավճարը նշանակելու (պարզևավճարի բաժնեմասն առանձին վճարելու) համար դիմողն իր փաստացի բնակության (հաշվառման) վայրի տարածքային բաժին է ներկայացնում

1) դիմում.

2) դիմողի անձը հաստատող փաստաթուղթ, հանրային ծառայությունների համարակիշը կամ հանրային ծառայությունների համարանիշ չստանալու մասին տեղեկանք.

3) քաղվածք՝ հետմահու «Հայաստանի ազգային հերոս» Հայաստանի Հանրապետության բարձրագույն կոչում շնորհելու կամ Մարտական խաչ շքանշանով պարգևատրելու մասին Հայաստանի Հանրապետության Նախագահի հրամանագրից կամ համապատասխան վկայականը (բացառությամբ պարզևավճարի բաժնեմասն առանձին վճարելու դեպքի).

4) պարզևավճար ստանալու իրավունքը հավաստող փաստաթղթեր, այդ թվում

ա. ամուսնության վկայականը՝ գոհվածի ամուսնու համար,

բ. գոհվածի ծննդյան վկայականը՝ գոհվածի ծնողի համար,

գ. երեխայի ծննդյան վկայականը և երեխայի ծնողների ամուսնության վկայականը (կամ հայրության ճանաչման վկայականը)՝ գոհվածի երեխայի համար,

դ. ըստ անհրաժեշտության՝ առկա (ցերեկային) ուսուցմամբ սովորելը հաստատող փաստաթուղթը, հաշմանդամ ճանաչելու մասին բժշկասոցիալական փորձաքննություն իրականացնող իրավասու պետական մարմնի տված տեղեկանքը, ինչպես նաև 18 տարին չլրացած երեխայի օրինական ներկայացուցիչը՝ ծնողը, խնամակալը, որդեգրողը, դատարանի վճռով անգործունակ կամ սահմանափակ գործունակ ճանաչված անձի խնամակալը հանդիսանալը հաստատող փաստաթղթեր:

10. Տարածքային բաժինը, ներկայացված փաստաթղթերի հիման վրա, տասն աշխատանքային օրվա ընթացքում նշանակում է պարզևավճարը (առանձնացնում է պարզևա-

վճարի բաժնետնասր) կամ մերժում է պարգևավճար նշանակելը (մերժում է պարգևավճարի բաժնետնասան առանձնացնելը)՝ քաղաքացուն տեղեկացնելով մերժման պատճառների մասին:

11. Տարածքային բաժինը մերժում է պարգևավճար նշանակելը (մերժում է պարգևավճարի բաժնետնասան առանձնացնելը), եթե՝

1) դիմողը չունի պարգևավճարի իրավունք (չի ներկայացրել անհրաժեշտ փաստաթղթերը):

2) դիմողը (պարգևավճարի իրավունք ունեցող անձը), ըստ Հայաստանի Հանրապետության բնակչության պետական ռեգիստրի, հաշվառված չէ Հայաստանի Հանրապետությունում բնակչության վայրի հասցեում:

12. Պարգևավճար նշանակելը (պարգևավճարի բաժնետնասան առանձնացնելը) մերժելու դեպքում որոշումն ընդունելու օրվան հաջորդող հինգ աշխատանքային օրվա ընթացքում պատշաճ կարգով տեղեկացնում է դիմողին: Եթե տարածքային բաժինը որոշման մասին տեղեկացնում է փոստային ծառայության միջոցով, ապա նամակն ուղարկվում է դիմողի՝ Հայաստանի Հանրապետության բնակչության պետական ռեգիստրում առկա Հայաստանի Հանրապետությունում բնակչության վայրի հասցեով:

13. Զոհված՝ հետմահու «Հայաստանի ազգային հերոս» Հայաստանի Հանրապետության բարձրագույն կոչում ստացած և Մարտական խաչ շքանշանով պարգևատրված, ինչպես նաև 1-ին աստիճանի Մարտական խաչ շքանշանով և 2-րդ աստիճանի Մարտական խաչ շքանշանով պարգևատրված անձի ընտանիքի՝ պարգևավճար ստանալու իրավունք ունեցող անդամների համար նշանակվում է մեկ պարգևավճար՝ իրենց ընտրությամբ:

14. Պարգևավճարը նշանակվում է՝

1) հետմահու «Հայաստանի ազգային հերոս» Հայաստանի Հանրապետության բարձրագույն կոչում շնորհելու կամ Մարտական խաչ շքանշանով պարգևատրելու օրվանից, եթե դիմումը ներկայացվել է այդ օրվանից հետո 12 ամսվա ընթացքում:

2) դիմումը ներկայացնելու օրվանից, եթե այն ներկայացվել է սույն կետի 1-ին ենթակետով սահմանված ժամկետից ավելի ուշ:

15. Պարզևավճարի առանձնացված բաժնետնասը վճարվում է դիմելու ամսվան հաջորդող ամսվա 1-ից:

16. Պարզևավճարը (պարզևավճարի առանձնացված բաժնետնասը) վճարվում է կանխիկ կամ անկանխիկ եղանակով:

17. Պարզևավճարը (պարզևավճարի առանձնացված բաժնետնասը) անկանխիկ եղանակով վճարելը պարզևավճարի գումարը դիմողի բանկային հաշվին փոխանցելն է:

18. Պարզևավճարը (պարզևավճարի առանձնացված բաժնետնասը) կանխիկ եղանակով վճարելը պարզևավճարի գումարի տրամադրումն է անձամբ դիմողին կամ նրա լիազորած անձին:

19. Պարզևավճարը կանխիկ եղանակով նաև վճարվում է պարզևավճար ստանալու իրավունք ունեցող անձի (անչափահաս կամ խնամակալության տակ գտնվող անձի դեպքում՝ նրա օրինական ներկայացուցչի՝ ծնողի, որդեգրողի կամ խնամակալի) տված և նոտարի վավերացրած լիազորագրով, եթե լիազորագրով պարզևավճար վճարելու մասին գրավոր դիմումը և լիազորագիրը ներկայացվում են տարածքային բաժին: Վերալիազորման կարգով տրված լիազորագրով պարզևավճար չի վճարվում:

20. Պարզևավճարը լիազորագրով կարող է անընդմեջ վճարվել պարզևավճարը լիազորագրով վճարելու համար դիմելուն հաջորդող տասներկու ամսվանից ոչ ավելի ժամանակահատվածում, բայց ոչ ավելի, քան լիազորագրի գործողության դադարումը:

21. Լիազորագիրը տալու ամսվան հաջորդող տասներկուերորդ ամսվանից հետո պարզևավճարը տվյալ լիազորագրով չի վճարվում:

22. Պարզևավճար ստանալու իրավունքը դադարեցվում է՝

1) պարզևավճար ստանալու իրավունք ունեցող անձի մահվան, ինչպես նաև նրան մահացած կամ անհայտ բացակայող ճանաչելու դեպքում.

2) Հայաստանի Հանրապետության քաղաքացիությունը դադարեցնելու դեպքում.

3) գոհվածի երեխայի 18 տարին լրանալու դեպքում.

4) պարզևավճար ստանալու իրավունքը կորցնելու դեպքում.

5) գոհվածի՝ 18 տարեկան և դրանից բարձր տարիքի հաշմանդամ զավակի հաշմանդամության ժամկետը լրանալու դեպքում.

6) գոհվածի՝ 18 տարեկան և դրանից բարձր տարիքի հաշմանդամ զավակի վերափորձաքննության արդյունքում աշխատանքային գործունեությամբ զբաղվելու կարողության աստիճանը փոխվելու դեպքում.

7) հինգ տարի անընդմեջ պարզևավճար չվճարելու դեպքում.

8) գոհվածի՝ ուսումնական հաստատությունում առկա (ցերեկային) ուսուցմամբ սովորող երեխայի 23 տարին լրանալու դեպքում.

9) մինչև առկա (ցերեկային) ուսուցմամբ ուսումնական հաստատությունում սովորող անձի 23 տարին լրանալը՝ տվյալ տարվա հուլիսի 1-ից:

23. Բացառությամբ սույն կարգի 22-րդ կետի 9-րդ ենթակետում նշված դեպքի՝ պարզևավճար ստանալու իրավունքը դադարեցվում է այդ հանգամանքներն առաջանալու ամսվան հաջորդող ամսվա 1-ից, իսկ սույն կարգի 22-րդ կետի 5-րդ ենթակետում նշված դեպքում՝ հաշմանդամության ժամկետը լրանալու օրվանից:

24. Պարզևավճարի վճարումը դադարեցվում է՝

1) պարզևավճար ստանալու իրավունքը դադարեցվելու դեպքում.

2) 12 ամիս անընդմեջ պարզևավճարը չվճարելու դեպքում.

3) եթե պարզևավճարը վճարվում է լիազորագրով (ներկայացվել է պարզևավճարը լիազորագրով վճարելու մասին դիմում)՝ լիազորագրի գործողության ժամկետը լրանալու

կամ պարզևավճարը տասներկու ամիս անընդմեջ լիազորագրով վճարելու կամ լիազորագիրը տալու ամսվան հաջորդող տասներկուամսյա ժամկետը լրանալու դեպքում:

25. Պարզևավճար ստանալու իրավունքը վերականգնվում է՝

1) պարզևավճար ստանալու իրավունք ունեցող անձին մահացած կամ անհայտ բացակայող ճանաչելու մասին դատարանի վճիռը վերացնելու վերաբերյալ դատարանի՝ օրինական ուժի մեջ մտած վճիռը ներկայացնելու և գրավոր դիմելու դեպքում՝ պարզևավճար ստանալու իրավունքը դադարեցնելու օրվանից.

2) պարզևավճար ստանալու իրավունք ունեցող անձի մահվանից հետո գոհվածի ընտանիքի՝ պարզևավճարի իրավունք ունեցող այլ անդամներից մեկի կողմից գրավոր դիմելու և անհրաժեշտ փաստաթղթերը ներկայացվելու դեպքում (բացառությամբ այն դեպքի, երբ պարզևավճարը վճարվում է բաժնեմասով)՝ պարզևավճար ստանալու իրավունքը դադարեցնելու օրվանից.

3) 18 տարին լրացած անձի՝ պարզևավճար ստանալու իրավունքը դադարեցնելու օրվանից, եթե ուսումնական հաստատությունից ուսման մասին տեղեկանք է ներկայացվում այդ օրվանից հետո վեց ամսվա ընթացքում, իսկ այդ ժամկետից հետո տեղեկանք ներկայացվելու դեպքում՝ գրավոր դիմելու ամսվան հաջորդող ամսվա 1-ից.

4) հաշմանդամության ժամկետը լրանալուց հետո երեք ամսվա ընթացքում, կրկին աշխատանքային գործունեությամբ զբաղվելու կարողության 3-րդ աստիճանի սահմանափակում ունեցող հաշմանդամ ճանաչվելու դեպքում՝ պարզևավճար ստանալու իրավունքը դադարեցնելու օրվանից՝ բժշկատոցիալական փորձաքննություն իրականացնող իրավասու պետական մարմնից ստացված՝ անձի հաշմանդամությունը հաստատող տեղեկանքի հիման վրա.

5) հաշմանդամության ժամկետը լրանալուց հետո տասներկու ամսվա ընթացքում, աշխատանքային գործունեությամբ զբաղվելու կարողության 3-րդ աստիճանի սահմանա-

փակում ունեցող հաշմանդամ ճանաչվելու դեպքում՝ հաշմանդամ ճանաչվելու օրվանից՝ բժշկասոցիալական փորձաքննություն իրականացնող իրավասու պետական մարմնից ստացված՝ անձի հաշմանդամությունը հաստատող տեղեկանքի հիման վրա.

6) հաշմանդամության ժամկետը լրանալուց հետո տասներկու ամիս անց աշխատանքային գործունեությամբ զբաղվելու կարողության 3-րդ աստիճանի սահմանափակում ունեցող հաշմանդամ ճանաչվելու դեպքում՝ հաշմանդամ ճանաչվելու օրվանից, եթե դիմումը ներկայացվել է հաշմանդամ ճանաչվելուց հետո երեք ամսվա ընթացքում, իսկ այդ ժամկետը լրանալուց հետո դիմելու դեպքում՝ դիմելու օրվանից.

7) սույն կարգի 22-րդ կետի 7-րդ ենթակետով նախատեսված հիմքերով պարզևավճար ստանալու իրավունքը դադարեցված լինելու դեպքում՝ անձամբ գրավոր դիմելու և անհրաժեշտ փաստաթղթերը ներկայացնելու ամսվան հաջորդող ամսվա 1-ից:

26. Պարզևավճարի վճարումը վերսկսվում է՝

1) պարզևավճարի վճարումը սույն կարգի 24-րդ կետի 2-րդ և 3-րդ ենթակետերով սահմանված հիմքով դադարեցվելու դեպքում՝ գրավոր դիմելու ամսվան հաջորդող ամսվա 1-ից, եթե դիմումը և անհրաժեշտ փաստաթղթերը պարզևավճար ստանալու իրավունք ունեցող անձը ներկայացնում է անձամբ.

2) պարզևավճար ստանալու իրավունքը սույն կարգի 25-րդ կետի 1-ին, 2-րդ, 3-րդ, 6-րդ և 7-րդ ենթակետերով սահմանված հիմքով վերականգնվելու դեպքում՝ գրավոր դիմելու ամսվան հաջորդող ամսվա 1-ից, եթե դիմումը և անհրաժեշտ փաստաթղթերը պարզևավճար ստանալու իրավունք ունեցող անձը ներկայացնում է անձամբ.

3) պարզևավճար ստանալու իրավունքը սույն կարգի 25-րդ կետի 4-րդ և 5-րդ ենթակետերով սահմանված հիմքով վերականգնվելու դեպքում՝ անձի հաշմանդամությունը հաստատող տեղեկանքն ստանալուն հաջորդող ամսվա 1-ից:

27. Պարզևավճարի վճարումը լիազորագրով չի վերսկսվում բացառությամբ այն դեպքի, երբ պարզևավճար ստանալու իրավունք ունեցող անձը պատիժը կրում է քրեակատարողական հիմնարկում կամ բուժվում է հոգեբուժական հաստատությունում:

28. Չվճարված պարզևավճարի գումարը վճարվում է յուրաքանչյուր հաջորդ ամսվա պարզևավճարի գումարի հետ՝ մինչև սույն կարգով սահմանված կարգով պարզևավճարի վճարումը դադարեցնելը:

29. Եթե պարզևավճարի վճարումը դադարեցվել է, ապա չվճարված պարզևավճարի գումարը վճարվում է դիմելու կամ պարզևավճարի վճարումը վերսկսելու համար հինք համարվող տեղեկատվությունն ստացվելու ամսվան նախորդող մեկ տարվա այն ժամանակահատվածի համար, որի ընթացքում անձը պարզևավճար ստանալու իրավունք է ունեցել:

30. Պարզևավճար ստանալու իրավունք ունեցող անձի մահվան պատճառով չվճարված պարզևավճարի (բաժնեմասի) գումարը վճարվում է պարզևավճար ստանալու իրավունքը դադարեցնելու ամսվան նախորդող մեկ տարվա այն ժամանակահատվածի համար, որի ընթացքում նա պարզևավճար ստանալու իրավունք է ունեցել: Պարզևավճար ստանալու իրավունք ունեցող անձի մահվան պատճառով չվճարված պարզևավճարի (բաժնեմասի) գումարը վճարվում է մահացած անձի ամուսնուն կամ 14 տարեկան և դրանից բարձր տարիքի անչափահաս երեխային՝ անկախ պարզևավճար ստանալու իրավունք ունեցող անձի մահվան օրվա դրությամբ նրա հետ համատեղ նույն բնակության վայրում (հասցեում) հաշվառված լինելու հանգամանքից, կամ ընտանիքի այլ անդամի, եթե նա, ըստ Հայաստանի Հանրապետության բնակչության պետական ռեգիստրում առկա տվյալների, պարզևավճար ստանալու իրավունք ունեցող անձի մահվան օրվա դրությամբ նրա հետ համատեղ հաշվառված է եղել նույն բնակության վայրում (հասցեում): Անչափահաս կամ խնամակալության տակ գտնվող՝ պարզևավճար

ստանալու իրավունք ունեցող անձի մահվան դեպքում չվճարված պարգևավճարի գումարը վճարվում է նաև նրա օրինական ներկայացուցչին՝ ծնողին, որդեգրողին կամ խնամակալին: Այդ գումարը վճարվում է, եթե դիմումը և անհրաժեշտ փաստաթղթերը տարածքային բաժին են ներկայացվում նշված անձի մահվանից հետո վեց ամսվա ընթացքում: Վեցամսյա ժամկետում չդիմելու դեպքում չվճարված պարգևավճարի գումարը ենթակա է ժառանգման, եթե դիմումը և անհրաժեշտ փաստաթղթերը տարածքային բաժին են ներկայացվում պարգևավճար ստանալու իրավունք ունեցող անձի մահվանից հետո տասներկու ամսվա ընթացքում:

31. Եթե պարգևավճարը վճարվում է բաժնեմասով, ապա պարգևավճարը բաժնեմասով ստացողի մահվանը հաջորդող ամսվա 1-ից բաժնեմասը վճարվում է գոհվածի ընտանիքի՝ պարգևավճարը բաժնեմասով ստացող մյուս անդամներին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Վ. ԳԱԲՐԻԵԼՅԱՆ